




Amice Lector!

Abiennio circiter communicatum nobis fuit Schediasma impressum, tenoris sequentis:

*Depositiones Extraordinariæ duarum
Velatarum Virginum Conventus Sancti
Achatii Colonien. MARGARETHÆ
BAUMS & MAGDALONÆ GROPPERS;*
*item duarum Laicarum Professarum ejusdem Monasterii GERTRUDIS
WILLICHS & BELÆ LÜLSDORFS,*
*per me Notarium infra scriptum ad instantiam Rvdi Patris ac Domini Gisberti
Specht, SS. Theol. Doctoris. Prioris Monasterii Prædicatorum in Colonia, & Vicarii Saxon. Provin. Braban. expeditæ,
presentibus testibus specialiter ad hoc vocatis, videlicet: Magistro Andrea Worringen, Tectore; & Magistro Laurentio Wirtt, Fabro Ferrario, in platea unctoria habitantibus, civibus
Colon.*



- I. Omnes & singulæ expressè deposuerunt se fuisse & adhuc esse Profefas Moniales & Profefas Laicas Sorores Monasterii Sti. Achatii Ordinis S. Dominici.
- II. Illas semper Provinciali & ejus Vicario Germaniæ Superioris sine ulla exceptione subjectas fuisse & ab illis visitatas.
- III. Quòd passim ordinariè quinque velatae & duæ Novitiæ diu noctuque visitaverint Chorum cantando & legendo.
- IV. Quòd semper habuerint proprium Confessarium & quotidie duo Sacra, unum quod legebatur, alterum quod solemniter cantabatur ex Conventu Fratrum Prædicatorum Coloniae.
- V. Ex eodem Conventu Dominicis & Festivis diebus Concionem.
- VI. Quòd quidam Jesuita, nomine P. Jacobus, citrà Ordinis Licentiam audierit duarum Priorissæ & Subpriorissæ confessionem & prædicaverit.
- VII. Post illam confessionem & prædicationem Priorissam & Subpriorissam contra Ordinem & P. Provincia-

cialem tumultuâsse, & ejus visita-
tionem repudiâsse.

VIII. Tandem Patres Jesuitæ Ordine
in scio Romæ à Gregorio XIII. sup-
presso nomine S. Dominici emptio-
nem Monasterii impetrâsse.

IX. Quòd coactè debuerunt subscribere
urgente quodam Commissario
Prælato sæculari in albo vel blanco
cum illa comminatione, quòd quæ-
cunque non vellet subscribere nihil
de pecunia venditionis acciperet.

X. Verùm quòd Patres noctu existenti-
bus monialibus in earum Monaste-
rio perfregerint per se vel alios mu-
rum Conventûs, & ità intraverint
Patres.

XI. Conventus nullo ære alieno obli-
gabatur nisi tantùm in uno aureo
floreno, quem etiam solverunt,
priusquam dividerentur ad aliena
Monasteria.

XII. Habebant in deposito adhuc 600
Aureos in auro & in re domestica in
singulis provisionem unius Anni.

XIII. Verùm quòd Patres non saltem
locum sed Clenodias Ordinis. Item
libros Chorales & Missalia accepe-
rint.

Attestor Ego Jacobus Villinck, publicus & venerabilis Curia^e Archi-Episcopalis Colon. causarum communis, nec non Almæ Universitatis Generalis Studii, ibidem Notarius, Bedellus, & Scriba juratus, atque ad hunc Actum depositionis requisitus, quòd hujusmodi præmissæ depositiones ità per me in præsentia supra scriptorum testium Anno 1607. die 13^{ta} Mensis Augusti expeditæ sunt, manus meæ propriæ scripturâ.

NOTA. Hoc negotium totum directum fuit urgentibus Jesuitis, per Hæreticum & Apostatam Episcopum qui violentâ manu restrinxit manus Ordinis.

Frater Gisbertus, Prior.

Concordantiam cum suo Originali benè Collationato Attestor ego Herman Joseph Rheindorff, Notarius Apostolicus scripsi & subscripsi, signetoque meo Notariali munivi.



Sicut